



# COMUNU DE BARUMINI

c.a.p. 09021 - Provìncia de su Campidanu de mesu  
Bia S'Anziana, 12 - tel. 070/9368024 - fax 070/9368033  
Email: [segreteria@comunebarumini.it](mailto:segreteria@comunebarumini.it)



## DELIBERAZIONI DE SA GIUNTA COMUNALI

### N. 19 de su 27 de martzu de su 2009

**Ogetu : Regulas po intrai in s'area archeologica. Cambiu de is raportus tra Comunu e sogetu chi gestiscit. Adeguamentu tarifas po is servitzius in s'area archeologica de "Su Nuraxi" e zona espositiva de "Dom'e Zapata"**

S'annu duamillanoi, sa dì 27 de su mes'e martzu, a is cincu de meri, in s'apostentia de is adunantzias de su Comunu nomenau asuba, cunvocada cun apositus avisus sa Giunta Municipali s'est riunida cun sa presentzia de is Sinnoris

Sangunau / Nomini	In calidadi de	Presenti	Assenti
Lilliu Emanuele	Sìndigu	X	
Zedda Vincenzo	Assessori	X	
Corona Marcello	Assessori	X	
Murgia Alessandro	Assessori	X	
Pistincu Sandro	Assessori	X	

Partecipat su Segretariu Comunali Dott. Sebastianu Liori

Su Presidenti, de chi s'est assigrau ca ddoi fiat su nùmeru legali de is chi ddoi depiant èssiri, de crarat aberta sa riunioni e invitat is convocaus a arrexonai asuba de s'ogetu chi ddoi est scrittu in susu.

# SA GIUNTA COMUNALI

**Bia** sa deliberatzioni G. C. n. 104 del 28.12.2007, serbida po adeguai is tarifas po is servitzius in s'area archeologica "Su Nuraxi" e de sa zona espositiva de Dom'e Zapata;

**Bia** sa nota n. 174 de su 14 de gennàrgiu de su 2009, de sa Soprintendentza po is Benis Archeologicus de Casteddu, ca est serbida po invitai s'Aministratzioni Comunali a su adeguamentu de is tarifas po is servitzius onaus in s'area archeologica e in sa zona museali relativas a is limitis de edadi a cussus de esentzioni praticaus in Italia e in Europa, e ca serbit po pediri s'esentzioni totali o una ridutzioni manna de is tarifas po is pipus fintza a doxi annus e is mannus chi tenit prus de 65 annus;

**Bia** sa delibera de su C.C. n. 9 de su 27.3.2009, ca tenit po ogetu "Regolas po intrai in s'area archeologica. Cambiamentu de is raportus tra Comunu e sogetu chi gestiscit" ;

**Cunsiderau ca** tocat a cambiai s'importu de is tarifas nomenadas prima, segundu su chi domandat sa Soprintendenza Archeologica, po is servitzius in s'area archeologica de "Su Nuraxi" e sa zona espositiva de Dom'e Zapata ;

**Cunsiderau ca** custu cambiamentu provocat una intrada de dinai prus pitia meda po s'Ente chi gestiscit, ca at a depi assigurai is propius livellus de calidadi de is servitzius, po andai incontru su Comunu de Barumini rinunciat a pigai de su gestori e totu, su 10% de is incassus de is billettus de s'area archeologica "Su Nuraxi" e de sa zona museali de dom'e Zapata cumentu est prevediu de sa deliberatzioni G.C. n. 105 de su 27.12.2006;

**Aquisius** is pareris favorevolis segundu s'articullu 49 de su T. U. n° 267/2000 ;

Cun votatzioni unanimi

## DELIBERAT

De rinunciai, de su 1 de abrilli de su 2009, po cumpensai is incassus de su 10% de is billettus cumentu nau prima e determinai de sa propria di s'importu de is tarifas po utilizai is servitzius in s'area archeologica de "Su Nuraxi" e de sa zona espositiva de dom'e Zapata, in custa manera :

Visita a s'area archeologica "Su Nuraxi" : intreu (interu) € 7,00 ; Reduxiu € 5,00

Visita a sa zona espositiva de Dom'e Zapata : Intreu (interu) € 7,00 ; Reduxiu € 5,00

Importu de su billettu cumulativu, ca cumprendit sa visita a s'area archeologica "Su Nuraxi" e a sa zona espositiva de Dom'e Zapata : Intreu (interu) € 10,00 ; Reduxiu € 8,00

CATEGORIAS	Pretzius de is Servitzius
Mannus de is 18 annus a is 64	€ 7,00
Scollas e piciocheddus de is 13 a is 18 annus	€ 5,00
Grupus de binti	€ 5,00
Tour Operator (minimu 100 billettus )	€ 5,00
Piciocus de is 7 a is 12 annus	€ 3,50
Mannus de prus de 65 annus	€ 3,50
Pipius fintzas a 6 annus	No pagant
Militaris in servitziu	No pagant
Genti no abili e acumpangiadoris	No pagant
1 acumpangiatori dogna 15 piciocheddus (scolas)	No pagant
Totus is dipendentis de su Ministeru de is Benis de is Atividadis Culturalis ( MIBAC)	No pagant

De cunsiderai ca :

- 1) Is militaris in servitziu no depint pagai sceti po rexionis chi riguardant su servitziu insoru ;
- 2) Chi proit su monumentu podit essi visitau sceti a s'esternu e su billettu at a costai 3,00 Eurus po totus is visitatoris.